

禪定智慧憂悲喜樂宜知是時及以非時不得妄說

雜寶藏經卷第五

驚五

收刈下魚計反暇音計反係音後反尔匱求位反挾胡怙反
稗麌上蒲賣反擦之上力反企丘音反晬音母反蟠蛇上母朗反

騫音直利反羈韁上居宣反眼膜莫下音跳
縲繫一音而羊反金卷正作卷躡音躡道反蹠音蹠蹙子反蹙蹙上音顙下音蹙蹙子六反
蹠蹠上音蹠致反傖儀上音張反壞音壞反壞壞若譎音答撓音撓步反撓撓下音撓步庚

浣音浣反併二音玄反肘知抑反膚體上音膚體夫幾失上音巨衣反大噠音巨

十末

帝
下音
歡然勿反
庚
帝

雜寶藏經卷第五

驚五

被毒之人見悉消滅又見光觸身亦復消毒
第二力者熱病之人見則除愈光觸其身亦
復得瘳第三力者人有無量百千怨家捉此
珠者悉得親善時婆羅門聞此語已甚用歡
喜如來真實一切智人即以此珠奉上於佛
而求出家佛言善來比丘鬚髮自落法服著

雜寶藏經卷第六

元魏沙門吉迦夜共曇摩譯
驚六

佛在舍衛國余時南天竺有一婆羅門善別
如意珠持一如意珠從南天竺至東天竺遍
諸國土無能別者如是次第至舍衛國到波
斯匿王所而作是言誰能分別識此珠者波斯
匿王集諸群臣一切智人無能識者波斯
匿王共至佛邊佛語婆羅門言汝識珠名字
不知珠生出處不知珠力耐不答言悉知佛
言此珠摩竭大魚腦中出魚身長二十八万
里此珠名曰金剛堅也有第一力耐使一切

乙

楊

驚六

身爲說法要即得羅漢諸比丘言如來善能分別此珠復能說法使得道證佛言非但今日過日過去亦爾昔迦尸國仙人山中有五通仙時有婆羅門持一樹葉問仙人言此何樹葉仙人答言此樹名金頂若人被毒垂命欲死此樹下坐即得消滅熱病之人依此樹者亦

復得除以此樹葉觸人身者所有毒氣及與熱病悉皆得除婆羅門歡喜求與仙人而作弟子修習其法亦得五通爾時五通仙人者我身是也爾時持樹葉婆羅門者今此婆羅門是也我於爾時教其使得具五神通今亦免其生死之難獲阿羅漢

十力迦葉以實言止佛足血緣第八十

余時如來被加陀羅刺刺其腳足血出不止以種種藥塗不能得瘳諸阿羅漢於香山中取藥塗治亦復不降十力迦葉至世尊所作是言曰若佛如來於一切衆生有平等心於羅睺羅提婆達多等無有異者脚血應止即

時血止瘡亦平復比丘歎言種種妙藥塗治不止迦葉實言血則尋止佛言非但今日過去世時亦復如是昔有一婆羅門生產一子名曰無害而白父言田中行時莫害衆生父子言汝欲作仙人耶生活之法云何避蟲子言我今望得父現世安樂後世安樂不用

驚六

二

我語用是活爲即向毒龍泉邊而坐欲求取死世有毒龍見之害人時婆羅門子即見毒龍毒遍身體命即欲斷父時憂惱不知兒處即尋求覓見兒欲死父到兒所而作是言我子從來無害心者此毒應消作是語已毒氣即消平復如故爾時父者十力迦葉是也尔

時子者我身是也於過去世中能作實語消除我病於今現世亦以實言而愈我病

佛在菩提樹下魔王波旬欲來惱緣第八十一昔如來在菩提樹下惡魔波旬將八十億衆欲來壞佛至如來所而作是言瞿曇汝獨一身何能坐此急可起去若不去者我捉汝脚

擲著海外佛言我觀世間無能擲我著海外者汝於前世但曾作一寺主受一日入戒布施辟支佛一鉢之食故生六天爲大魔王而我乃於三阿僧祇劫廣修功德阿僧祇劫我曾供養無量諸佛第二第三阿僧祇劫亦復如是供養聲聞緣覺之人不可計數一切大

地無有針許非我身骨魔言瞿曇汝道我昔日持戒施辟支佛食信有真實我亦自知汝亦知我汝自道者誰爲證知佛以手指地言此地證我作是語時一切大地六種震動地神即從金剛際出合掌白佛言我爲作證有此地來我恒在中世尊所說真實不虛佛

驚六

三

語波旬汝今先能動此澡瓶然後可能擲我海外余時波旬及八十億衆不能令動魔王軍衆顛倒自墮破壞星散諸比丘言波旬長夜惱亂如來而不得勝佛言非但今日過去亦余

昔迦尸國仙人山中有五通仙教化波羅柰

城中諸年少輩皆度出家使修仙道余時城神極大瞋恚語仙人言汝若入城更度人者我捉汝脚擲於海外時彼仙人捉一澡瓶語城神言先動此瓶然後擲我盡其神力不能得動慚愧歸伏余時仙人我身是也余時城神波旬是也

佛爲諸比丘說利養災患緣第八十二

余時如來在舍衛國歟患利養有一深林名貪莊嚴逃避利養往至林中林中有寺時一羅漢名那弋迦作此寺主佛至彼林到後日中有諸人等持衣供養滿於林中作是言曰我不用利養而此利養常逐我後有万二千比丘亦至彼處佛語諸比丘利養者是大災害能作障難乃至羅漢亦爲利養之所障難比丘問言能作何障佛言利養之害破皮破肉破骨破髓云何爲破破持戒之皮禪定之肉智慧之骨微妙善心之髓万二千比丘齊畜三衣六物作阿練若不受餘物佛即讚歎

善哉善哉能作阿練若法我之此法是少欲
法非是多欲是知足法非不知足是樂靜法
非樂憤鬧是精進法非懈怠法是正念法非
邪念法是定心法非亂心法是智慧法非愚
癡法時諸比丘聞說此語皆得阿羅漢諸比
丘白佛言希有世尊佛言非適今日過去亦

余昔迦尸國有輔相名曰夜叉夜叉之子名
夜兒達多深覺非常出家學仙諸仙多欲皆

諱菓草夜兒達多爲欲令彼少欲之故捨其
菓草取彼鞭草捨此甘菓取彼酢菓捨己新
菓取他陳菓捨取菓已即得五通巧二千仙
人見其如此便學少欲不復多求亦皆得五

鶯六

通夜兒達多漸作方便教化諸仙命終之後
生不用處余時達多我身是也余時万二千
仙人今万二千比丘是也

賊臨被殺遙見佛歡喜而生天緣第八十三
余時舍衛國波斯匿王擊鼓唱令而作是言
若作賊者捉得當殺時有一人捉賊將來王

便遣人將出殺去在於城外會於道中遙見
如來心生歡喜至於殺處即伏王法尋得生
天具修三念知已由是垂殺之時見佛歡喜
命終生天感佛恩德來下供養佛爲說法得
須陀洹比丘問言以何業緣生於天宮佛言
昔在人中爲王所殺臨死之時見佛歡喜乘
此善因生彼天宮重於我所聞法解悟證須
陀洹

刖手足人感佛恩而得生天緣第八十四

昔舍衛國有人犯於王法截其手足擲著道
頭佛行見之即往到邊而問言曰汝於今者
以何爲苦別人答言我最苦餓即勒阿難使

與彼食其別人生天感佛厚恩來下供
養佛爲說法得須陀洹比丘問言以何業行
生於天上佛言昔在人中被刖手足擲於道
頭佛到其所勒與其食心生歡喜命終生天
重於我所聞法得道

長者子以好蜜漿供養行人得生天緣第八十五

鶯六

昔舍衛國有一長者於祇桓林求空閑地欲造房舍須達長者遍以作竟無復空處便於祇桓大門之中以好淨水用種種蜜種種之麁作漿供給一切行人九十日後佛亦受之

於是命終生於天上有大威德乘天宮殿來供養佛佛爲說法得須陀洹比丘問言以何

業行得生天上威德如此佛言本爲人時於祇桓門作種種漿施與一切佛亦自受以是因緣生於天上又於我所聞法得道

波斯匿王遣人請佛由爲王使生天緣第八十六昔舍衛國波斯匿王須達長者父不見佛心生渴仰於夏坐後遣使請佛使至佛所恭敬

白佛言王與長者欲見如來唯願世尊乘此車上往到舍衛佛言我不用車自有神足雖作是語爲其得福當於車上空中而行使使

在前而告於王及以長者王與長者躬自出迎使亦與王還來見佛命終生於天上即乘寶輪來至佛所佛爲說法得須陀洹比丘問

言以何因緣生於天宮乘此寶車佛言昔在人中爲王所使到於佛所奉車使乘由是業緣今得生天叵駕寶車重於我邊聞法得悟證須陀洹

波斯匿王勸化乞索時有貧人以毘施王得生天緣第八十七

昔舍衛國波斯匿王作是言曰須達長者尚能勸化一切人民作諸福業我今亦當爲衆生故教導乞索令其得福於是行化處處乞索時有一人貧窮多乏唯有一毘即便持施波斯匿王王得毘已轉以奉佛其後貧人命終生天感佛大恩而來供養佛爲說法獲須

陀洹比丘問言昔作何業生於彼天佛言在人中時值王勸化即以白毘而布施之乘此善因得生於天遂於我前聞法證道

兄勸弟奉修三寶弟不敬從兄得生天緣第八十八

昔舍衛國有兄弟二人而第一者奉修佛法

第二之者事富蘭那兄常勸弟使事三寶弟不隨願恒共鬪諍情不和合各便分活第一者供養於佛後遂命終生於天上即來佛所報恩供養佛爲說法得須陀洹比丘問言昔爲何業生此天宮佛言住在人中心樂正法奉修三寶以是福因今得生天又於我所聞

法信解而證道果

父聞子得道歡喜即生天緣第八十九

昔舍衛國有兄弟二人恒喜鬭諍更相怨惡便共詣王欲求使斷道中值佛佛爲說法得阿羅漢道父聞子遇佛得道心生歡喜遂便命終生於天上来至佛所佛爲說法得須陀洹比丘問言作何業今得生天佛言昔在人中聞我爲其子等說法得道踊躍歡喜命終生天重於我所聞法信解而證道果

子爲其父所逼出家生天緣第九十

昔舍衛國有人使子出家事佛佛即度之恒使掃地不堪辛苦罷道還俗其父語言汝但

出家自今已後代汝掃地父即共子往彼祇桓精舍兒見精舍其中清涼心生歡喜便作是言我寧殺身出家掃地不復還俗其後命終生於天上即來佛所佛爲說法得須陀洹比丘問言以何業緣生於天上佛言住在人中不堪辛苦欲還於家其父不聽代其使役

驚大

七

強驅出家遂便歡喜命終生天又於我所聞法得道

羅漢祇夜多驅惡龍入海緣第九十一

昔有尊者阿羅漢字祇夜多佛時去世七百年後出罽賓國時罽賓國有一惡龍王名阿利那數作災害惱諸賢聖國土人民悉皆患之時有二千阿羅漢各盡神力驅遣此龍令出國界其中有五百羅漢以神通動地又有五百人放大光明復有五百人入禪定經行諸人各各盡其神力不能使動時尊者祇夜多最後往到龍池所三彈指言龍汝今出去不得此住龍即出去不敢停住尔時二千羅

漢語尊者言我與尊者俱得漏盡解脫法身悉皆平等而我等各各盡其神力不能令動尊者云何以三彈指令阿利那龍遠入大海也于時尊者答言我凡夫已來受持禁戒至突吉羅等心護持如四重無異今諸仁者所以不能動此龍者神力不同故不能動時尊

者祇夜多與諸弟子向北天竺道中見一烏仰而微笑弟子白言不審尊者何緣微笑願說其意尊者答言時至當說於是前行到石室城既至城門慘然變色食時已至入城乞食既得食已還出城門復慘然變色諸弟子等長跪白言不審向者何緣微笑復慘然變色時尊者祇夜多答諸弟子言我於往昔九十一劫毗婆尸佛入涅槃後作長者子少時求欲出家父母不聽而語子言我家業事重汝若出家誰繼嗣吾當為汝取婦產一子猶聽汝出家即便為娶既取婦已復求出家父母復言若生一息聽汝出家其後不久生

一男兒兒已能語復白父母言願尊先許聽我出家尔時父母恐違前言密教乳母語孫兒言汝父若欲出家去時汝當在門捉告父言既生育我今欲捨我出家去也若去者願令殺我然後當去其父即時慘然情變而語子言我今當住不復更去由是之故流氓生

驚六

八

死我以道眼觀察宿命天上人中及三惡道相值甚難相值甚難今乃一見向一烏者即是彼時孫兒也今向所以慘然變色者我於城邊見餓鬼子而語我言我在此城邊已七十年我母為我入城求食未嘗一得來我今饑渴甚大困厄願尊者入城見我母者願為我語速看我來時我入城見餓鬼母而語之言汝兒在外飢渴甚厄思欲相見時餓鬼母而報之言我來入城七十餘年我自薄福加我新生餓羸無力雖有膿血佛唾糞穢不淨之食諸大力者於先持去我不能得最後得一口不淨欲持出門與子分食門中復有諸

大力鬼復不聽出唯願尊者慈愍將我使母子相見食此不淨時尊者即將餓鬼母得出城門母子相見分食不淨尔時尊者問此鬼言汝於此住爲以幾時時鬼答言我見此城七反成壞時尊者歎言餓鬼壽長甚爲大苦時諸弟子聞說此語皆厭患生死即得道跡

二比丘見祇夜多得生天緣第九十二

時南天竺有二比丘聞祇夜多有大威德來向罽賓到其住處道由樹下見一比丘形體甚悴竈前然火彼二比丘而問之言汝識尊者祇夜多不答言我識彼比丘言今在何處語言在上第三窟中彼二比丘即便上山往

驚六

九

到窟所見向然火比丘時二比丘疑恠所以比丘言尚有如此名德何憂不能於先來此時一比丘即求決定而問之言尊者有如此威德自然火爲尊者答言我念往昔生死之苦若我頭手腳可然之者猶爲衆僧而用然火況復然薪時二比丘即便問之不審往昔

生死之苦其事云何願欲聞之尊者答言我念往昔五百世中生於狗中常困飢渴唯於二時得自飽滿一值醉人酒吐在地得安樂飽二值夫婦一人共爲生活夫便向田婦住後作食時彼婦人事緣小出我時即入盜彼飯食值彼食器口小初雖得入頭後難得出雖得一飽然後辛苦夫從田還即便翦頭在於器中時二比丘聞其說法厭惡生死得須陀洹

月氏國王見阿羅漢祇夜多緣第九十三

月氏國有王名栴檀罽尼吒聞罽賓國尊者阿羅漢字祇夜多有大名稱思欲相見即自躬駕與諸臣從往造彼國於其中路心竊生念我今爲王王於天下一切人民靡不敬伏自非有大德者何能堪任受我供養作是念已遂便前進逕詣彼國有人告尊者祇夜多言月氏國王名栴檀罽尼吒與諸臣從遠來相見唯願尊者整其衣服共相待接時尊者

答言我聞佛語出家之人道尊俗表唯德是務豈以服飾出迎接乎遂便靜默端坐不出於是月氏國王至其住處見尊者祇夜多覩

其威德倍生敬信即前稽首却住一面時尊者欲唾月氏國王不覺前進授唾器時尊者祇夜多即語王言貧道今者未堪爲王作福

田也胡爲躬自枉屈神駕時月氏王深生慚愧我向者竊生微念以知我心自非神德何能余也於尊者所重生恭敬時尊者祇夜多即便爲王略說教法王來時道好去如來時王聞教已即便還國至其中路群臣怨言我等遠從大王往至彼國竟無所聞然空還國

驚天

十

時月氏王報群臣言卿今責我無所得也向時尊者爲我說法來時道好去如來時卿等不解此也以我往昔持戒布施修造僧坊造立塔寺種種功德以植王種今享斯位今復修福廣積衆善當來之世必重受福故誠我言王來時道好去如來時群臣聞已稽首謝

言臣等廝下智慧愚淺竊生妄解謂所行來道大王神德妙契言旨積德所鍾故享斯位群臣歡喜言已而退

月氏國王與三智臣作善親友緣第九十四時月氏國有王名栴檀罽尼吒與三智人以爲親友第一名馬鳴菩薩第二大臣字摩吒羅第三良醫字遮羅迦此三人王所親善待遇隆厚進止左右馬鳴菩薩而白王言當用我語者使王來生之出常與善俱永離諸難長辭惡趣第二大臣復白王言王若用臣密語不漏泄者四海之內都可剋獲第三良醫復白王言大王若能用臣語者使王一身之中終不橫死百味隨心調適無患王如其言未曾微病於是王用大臣之言軍威所擬莫不摧伏四海之內三方已定唯有東方未來歸伏即便嚴軍欲往討伐先遣諸胡及諸白象於先導道王從後引欲至葱嶺越度閼闐先所乘象馬不肯前進王甚驚恠而語馬言

驚天

十一

我前後乘汝征伐三方已定汝今云何不肯進路時大臣白言臣先所啓莫泄密語今王漏泄命將不遠如大臣言王即自知之定死不久是王前後征伐殺三億餘人自知將來罪重必受無疑心生怖懼便即懺悔修檀持戒造立僧房供養衆僧四事不乏修諸功德

精勤不倦時有諸臣自相謂言王廣作諸罪殺戮無道今雖作福何益往咎時王聞之將欲解其疑意即作方便勑語臣下汝當然一大鑊七日七夜使令極沸莫得斷絕王便以一指環擲於鑊中命向語臣仰鄉鑊中得此環來臣白王言願更以餘罪而就於死此環臣得王語臣言頗有方便可得取不時臣答言下止其火上投冷水以此方便不傷人手可取之耳王荅言我先作惡喻彼熱鑊今修諸善慚愧懺悔更不爲惡明爲不滅三塗可止人天可得即時解悟諸臣聞已莫不歡喜智人之言不可不用

拘尸彌國輔相夫婦惡心於佛佛即化道得須陀洹緣第九十五

佛在拘彌國有輔相婆羅門爲人狂暴動不以道其婦邪詣亦復無異夫勑婦言瞿曇沙門在此國界若其來者閉門莫開於一日中如來忽然在其屋中婆羅門婦見已默然都

不與語佛便說言汝婆羅門愚癡邪見不信三寶婦聞此語極大瞋恚自絕瓔珞著垢膩衣在地而坐夫從外來問言何以爾也荅言瞿曇沙門罵辱於我作如是言汝婆羅門邪見不信夫言且待明日明日開門以待佛來於後日中佛現出其家婆羅門即捉利劍而斫於佛不能得著見佛在虛空中便自慙愧五體投地而白佛言唯願此尊來下受我懺悔佛即來下受其懺悔爲說法要夫婦俱得須陀洹道時諸比丘聞佛降化如是惡人各作此言世尊出世甚奇甚特佛告比丘言非但今日過去之時亦曾調伏比丘白佛言不

審過去調伏云何佛言昔迦尸國有王名爲惡受極作非法苦惱百姓殘賊無道四遠賈客珍琦勝物皆稅奪取不酬其直由是之故國中寶物遂至大貴諸人稱傳惡名流布。余時有鸚鵡王在於林中聞行路人說王之惡即自思念我雖是鳥尚知其非今當詣彼爲

說善道彼王若聞我語必作是言彼鳥之王猶有善言柰何人王爲彼譏責儻能改修尋即高飛至王園中迴翔下降在一樹上值王夫人入園遊觀于時鸚鵡鼓翼嚶鳴而語之言王今暴虐無道之甚殘害万民毒及鳥獸含氣噭噭人畜憤結呼嗟之音周聞天下夫人苛剋與王無異民之父母豈應如是夫人聞已瞋毒熾盛此何小鳥罵我溢口遣人伺捕余時鸚鵡不驚不畏入捕者手夫人得之即用與王王語鸚鵡何以罵我鸚鵡答言說王非法乃欲相益不敢罵也時王問言有何非法答言有七事非法能危王身問言何等

爲七答言一者耽蕪女色不務貞正二者嗜酒醉亂不恤國事三者貪著綦博不修禮敬四者遊獵殺生都無慈心五者好出惡言初不善語六者賦役謫罰倍加常則七者不以義理劫奪民財有此七事能危王身又有三事傾敗王國王復問言何謂三事答言一者親近邪佞諂惡之人二者不附賢勝不受忠言三者好伐他國不養人民此三不除傾敗之期非旦則夕夫爲王者率土歸仰王當如橋濟渡万民王當如秤親緣皆平王當如道不違聖蹤王者如日普照世間王者如月與物清涼王如父母恩育慈矜王者如天覆蓋

驚久

十二

一切王者如地載養万物王者如火爲諸萬民燒除惡患者如水潤澤四方應如過去轉輪聖王乃以十善道教化衆生王聞其言深自慙愧鸚鵡之言至誠至歎我爲人王所行無道請遵其教奉以爲師受修正法余時國內風教旣行惡名消滅夫人臣佐皆生忠

敬一切人民無不歡喜譬如牛王度水道者既正從者亦正尔時鸚鵡我身是也尔時迦尸國王惡受今輔相是也尔時夫人輔相夫人是也

佛弟難陀爲佛所逼出家得道緣第九十六
佛在迦毗羅衛國入城乞食到難陀舍會值

難陀與婦作莊香塗眉間聞佛門中欲出外者婦共要言出看如來使我額上莊未乾頃便還入來難陀即出見佛作禮取鉢向舍盛食奉佛佛不爲取過與阿難阿難亦不爲取阿難語言汝從誰得鉢還與本處於是持鉢遂佛至尼拘屢精舍佛即勑剃髮師與難陀剃髮難陀不肯怒拳而語剃髮人言迹迦羅衛一切人民汝今盡可剃其髮也佛問剃髮者何以不剃答言畏故不敢爲剃佛共阿難自此其邊難陀畏故不敢不剃雖得剃髮恒欲還家佛常將行不能得去後於一日次守房舍而自歡喜今真得便可還家去待佛衆

僧都去之後我當還家佛入城後作是念言當爲汲水令滿澡瓶然後還歸尋時汲水一瓶適滿一瓶復翻如是經時不能滿瓶便作是言俱不可滿使諸比丘來還自汲我今但著瓶屋中而棄之去即閉房門適一扇閉一扇復開適閉一戶一戶復開更作是念俱不

驚天

七

可閉就置而去縱使失諸比丘衣物我饒財寶足有可償即出僧房而自思惟佛必從此來我則從彼異道而去佛知其意亦異道來遙見佛來大樹後藏樹神舉樹在虛空中露地而立佛見難陀將還精舍而問之言汝念婦耶答言實念即將難陀向阿那波山上又

問難陀汝婦端正不答言端正山中有一老瞎猕猴又復問言汝婦孫陀利面目端正何如此猕猴也難陀懊惱便作念言我婦端正人中少雙佛今何故以我之婦比此猕猴佛復將至忉利天上遍諸天宮而共觀看見諸天子與諸天女共相娛樂見一宮中有五百

天女無有天子難陀還來問佛佛言汝自往問難陀往問言諸宮殿中盡有天子此中何以獨無天子答言閻浮提內佛弟難陀佛逼使出家以出家因緣命終當生於此天宮爲我天子難陀答言即我身是便欲即住天女語言我等是天汝今是人還捨人壽更生此

間便可得住便還佛所以如上事具白世尊佛語難陀汝婦端正何如天女難陀答言比彼天女如瞎猕猴比於我婦佛將難陀還閻浮提難陀爲生天故勤加持戒

阿難余時爲說偈言

譬如羝羊鬪 將前而更却 汝爲欲持戒

其事亦如是

佛將難陀復至地獄見諸鑊湯悉皆煮人唯見一鑊炊沸空停惟其所以而來問佛佛告之言汝自往問難陀即往問獄卒言諸鑊盡皆煮治罪人此鑊何故空無所煮答言閻浮提內有如來弟名爲難陀以出家功德當得

生天以欲罷道因緣之故天壽命終墮此地獄是故我今欲炊鑊而待難陀恐怖畏懼卒留即作是言南無佛陀唯願擁護將我還至閻浮提內佛語難陀汝勤持戒修汝天福難陀答言不用生天唯願我莫墮此地獄佛爲說法一七日中成阿羅漢諸比丘歎言世尊出世甚奇特佛言非但今日乃往過去亦復如是諸比丘言過去亦余其事云何請爲我說佛言昔迦尸國王名曰滿面比提希國有一姪女端正姝妙余時二國常相怨嫉傍有一臣向迦尸王歎說彼國有姪女端正出所希少王聞是語心生惑著遣使從索彼國不與重遣使言求暫相見四五日間還當發遣時彼國王約勑姪女汝之姿態所有伎耐好悉具備使迦尸王惑著於汝須臾之間不能遠離即遣令去經四五日尋復喚言欲設大祀須得此女暫還旋來後當更遣迦尸王即遣還歸大祀已訖遣使還索答言明日當遣

既至明日亦復不遣如是妾語經歷多日王心惑著單將數人欲往彼國諸臣勸諫不肯受用時仙人山中有猕猴王聰明博達多有所知其婦適死取一雌猕猴諸猕猴衆皆共瞋呵責此姪猕猴衆所共有何緣獨當時猕猴王將雌猕猴走入迦尸國投於王所諸猕

猴衆皆共追逐既到城內發屋壞牆不可料理迦尸國王語猕猴王言汝今何不以雌猕猴還諸猕猴猕猴王言我婦死去更復無婦

王今云何欲使我歸王語之言今汝猕猴破

亂我國那得不歸猕猴王言此事不好耶王

答言不好如是再三王故言不好猕猴王言

十六

汝宮中有八万四千夫人汝不愛樂欲至敵國追逐姪女我今無婦唯取此一汝言不好一切万姓視汝而活爲一姪女云何捐棄大王當知姪欲之事樂少苦多猶如逆風而執熾炬愚者不放必見燒害欲爲不淨如彼屎聚欲現外形薄皮所覆欲無反復如屎塗毒

蛇欲如怨賊詐親附人欲如假借必當還歸欲爲可惡如廁生華欲如疥瘡而向於火把之轉劇欲如狗齧枯骨嚙唾共合謂爲有味脣齒破盡不知厭足欲如渴人飲於鹹水踰增其渴欲如段肉衆鳥競逐欲如渴人飲於鹹水踰至寡其患甚大余時猕猴王者我身是也余時王者難陀是也余時姪女者孫陀利是也我於余時欲淤泥中拔出難陀今亦拔其生死之苦也

雜寶藏經卷第六

耐奴代刺刺上十勝勝下七亦反慘七敢酢醋

驚六

雜寶藏經卷第七

元魏沙門吉迦夜共曇曜譯

驚七

大力士化曠野群賊緣第九十七

爾時佛在王舍城於王舍城毗舍離二國中間有五百群賊頻婆莎羅王慈心寬善以恩法治世不害物命即出募言誰能往化五百